



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三〇〇

劍虹齋集十二卷 梁 濬撰

一

任勇烈公遺集一卷 任 舉撰

九九

翊翊齋遺書四卷（筆記二卷文鈔一卷詩鈔一卷）附錄一卷 馬翮飛撰

一三九

寶綸堂文鈔八卷寶綸堂詩鈔六卷 齊召南撰

一七七

寶綸堂續集十一卷 齊召南撰

三五七

寶綸堂外集十二卷 齊召南撰

四八一

畏齋文集四卷 龔元玠撰

五二九

綿上秋谷居士遺稿

劍虹齋詩文集

一畝園藏版

序

聞之言為心聲詩以言志士君子胸羅數百卷書以與世事相觸發於是發之於口筆之於書涵泳乎義理發抒夫性靈乃古人所謂不朽之盛業其次在立言歟然溯其自來必有得於父兄宗族之陶冶而乃得有是卓然成就也余官京師於班行侍從之中竊見

定陽大司成梁確軒先生先生以經學受聖主特達之知由翰林進長成均提躬造士洵

劍虹齋集

序

一

當代奉為經師人師者嘗問其族姓子弟多詩人文士余久欽其薰陶漸染者廣矣乾隆辛卯春得其從侄上舍

文川先生詩文全稿介余為敘余受而卒業乃知文川豐於才而嚮於遇年甫四十即化去而所遺著述本本原原動中槩獲生平篤於孝友凡家庭常變之事無不筆之於書敦於友朋凡文酒流連之會靡不形諸歌詠其為詩也出入三唐而自然合度其為文也浸淫歐蘇而撻縱在心其

為詞也花間艸堂各極其妙文川屢試輒
慶賁志以沒若天之故抑之殊不知天之
降才使其賢而能文以垂不朽則遠勝夫
青紫赫奕不轉瞬而漸滅隨之是爵其志
於生前而實榮其名於身後也顧不偉歟
方 文川歿時哲嗣本榮甫三歲今則樂
羣曹監克世其業奉先人之遺集而梓以
流傳夫是知其殖學砥行以光大 梁氏
者更宏且遠也文川亦可以無憾矣夫因
題其集而歸之且以復於

劍虹齋集

序

二

大司成云

賜進士及第

誥授光祿大夫內閣學士兼禮部侍郎

欽命提督浙江學政年家眷同學弟韓城王杰

頌首拜撰

劍虹齋集

卷一序

一

昔介之推謀歸綿上也與其母相約數語讀之
令人哀其志然怨而不怒與風人之旨脗合去
佗條不平者遠矣夫士君子所以卓然冠鄉國
者誠以流風餘韻足以振頑起衰衣被後人無
窮也故豹處於淇而河西善歌駒處高唐而齊
右善謳聲之感人微矣哉 文川梁君毓於綿
上懷才負志既以場屋再奇遂肆其情於山水
間胸有所得發為詩歌以寫其湮鬱亦可謂怨
而不怒矣年未及艾賁志以歿同好董惟園刺
史欲取其遺稿而付之梓人不遠千里丐鄙言
弁之首夫詩之為道難言矣工於詞糟粕也工
於意猶膚末也通以情而不遺乎理大以化而
不滯於虛其庶幾言之有物歷久而不刳也梁
君果能天假以年而奮其志之所蓄不難追踪
作者而大振元音然如五古之曉起柴門七古
之石湖烟水圖五律之艸堂秋興七律之歲暮
感懷諸什清而不癯淡中有色其亦綿上之嗣
音乎客曰文川之先子 深山先生雄於詩而
厄於壽何嗣世之不幸與余曰非也梁君既以
詩傳於世撫茲編而得見其為人假令其人不

壽而又無以自鳴則其存其歿亦孰從而知之
是即梁君之善繼其志而能永其命也是為序

皆

乾隆十有六年五月既望

海客朱承煦拜撰

劍虹齋集

卷一 序

二

介山之北有邨曰南靳聚族而居者為梁氏代
有聞人余少侍深山先生聆其緒論卓然偉人
先生喜與海內名流交游有孔北海之風發為
詩歌出入三唐諸名家堂與今世所傳非水舟
詩集是也嗣君文川賦性沉毅遇事能識斷有
貞幹才弱冠時屏去膏粱習田百氏之藪而漁
獵之下筆驚人聲河汾間余心儀其人而名
章雋句不去諸懷者十餘年獨是風塵薄宦鞅
掌簿書不獲與文川相唱和而文川方銳意舉
子業就京兆試屢戰不勝遂慨然曰此為置千

劍虹齋集

卷一 序

三

里胥者耶吾東吾腹歸耳歸而葺一畝園疊石
蒔花適余以病乞歸遂相約招張君素心王君
田夫輩結味外小社每遇嘉時勝賞襟裾交集
臭味至相得稱忘形交蓋嘗論君之詩神與才
傳天竅自發雅秀超脫多中唐遺音所謂鏘然
而叶金石鏗然而中宮商者十得八九焉使其
天假之年有不沛然而雄於氣蒼然而老於骨
卓然而高深於體裁者幾希惜乎年未下壽不
克竟所造詣也君既沒田夫為哀輶其言志山
房遺稿二卷每出示余曰疇昔相羊文酒之歡

文川之鬚眉笑言顯顯如在目前而九原宿草求曩時契晤邈不可得欲留其鬚眉顯顯於吾輩目中者其在斯乎余聞其言而惘乎心悲矣遂於東裝南遊時命兒汾手錄其集留之行篋茲且付剞劂氏昔晉人致慨藍田之晚譽而云人不可以無年右軍位遇不逮藍田乃又云人不可以無子今文川其磊落之才卒以無年未竟厥緒而淵源家學猶幸杜家宗武之能世其業也嗟乎山陽聞笛作思舊賦以寄感愴今余之序茲集也不自知其涕之流落他日田夫受

劍虹齋集

卷一 序

四

而讀之當亦不禁泣數行下也

乾隆戊寅歲嘉平月同學姻愚弟董崇愚亭氏題於浙西嘉善之香林園

劍虹齋集

卷一 序

五

秋谷先生子從舅氏也文采風流不愧名家子仰其為人愛其書法兼喜其吟咏而心竊嚮往之素矣歲己未先生與董惟園王田夫諸先生結味外詩社而先君子率予亦與焉先生與同人討論源流上溯三百篇迄漢魏六朝唐宋元明下及近今作者支分派別各有指歸而社中之詩則過景命題即席分韻立格一遵漁洋山人緒論總以擺脫俗調力追古人為期時予方少年初學聲韻每有所作先生即為之獎瑜指瑕勸懲懇懇情意真不啻常蘇州之於趙仇重

喋也乾隆辛卯望前二日同學愚甥張聖凱頓首拜撰

劍虹齋集

卷一序

六

劍虹齋集目錄

卷一

年譜

卷二

言志山房詩稿一

卷三

言志山房詩稿二

卷四

言志山房詩稿三

卷五

劍虹齋集

卷一目錄

言志山房詩稿四

卷六

言志山房詩稿五

卷七

南原文鈔上

卷八

南原文鈔中

卷九

南原文鈔下

卷十

清代詩文集彙編

秋谷尺牘

卷十一

漱芳詩餘

卷十二

秋谷詩話

劍虹齋集目錄終

劍虹齋集卷一 目錄

秋谷居士自撰年譜

居士姓梁氏名濟字文川號南原又號秋谷

居士小字照慶山西介休縣人始祖大明

遷介休南靳屯著籍二世祖廷三世祖永

通四世祖天浩明壽官五世祖承教高祖

州佐吏部候選州同知贈中憲大夫稱中

憲公曾祖星炯內閣中書封徵仕郎鄉飲

大賓稱中書公祖塏廩生例贈奉政大夫

父錫珩候選郎中加二級例授奉政大夫

母莫宜人

劍虹齋集卷一 年譜

康熙四十二年癸未三月二十三日辰時生居

士於城中宅是歲上西巡駐蹕城中宅

四十三年甲申二歲十二月二弟澍生

四十四年乙酉三歲

四十五年丙戌四歲三月三弟生不數月即殤

四十六年丁亥五歲父深山公口授唐人絕句

學調四聲

四十七年戊子六歲

四十八年己丑七歲曾祖中書公繼室李氏興家難結訟太原五月曾祖卒於太原客舍會

大中丞蘓公克濟撫晉父奮身鳴冤斷李氏

歸宗

四十九年庚寅八歲冬同二弟受業於張有光

充美

先生十二月初五日泌弟生母龔宜人

即於是日卒

五十年辛卯九歲

五十一年壬辰十歲深山公循例捐部主事三

月二弟殤

五十二年癸巳十一歲

五十三年甲午十二歲

劍虹齋集

卷一 年譜

五十四年乙未十三歲深山公挈家居陽和受

業於吳門程思立根仁先生

五十五年丙申十四歲秋程先生辭歸旋受業

於長洲丁睢采注先生學為文不數月即成

篇

五十六年丁酉十五歲援例捐國子生八月隨

丁先生入都應順天鄉試國子監錄科列一

等二名九月回陽和是歲始學詩

五十七年戊戌十六歲三月深山公娶繼母傅

宜人受業於任子一飛先生七月任先生歸

里九月携其子千斯大倉暨王天孚佑來陽

和共筆硯王父執郁章

文輝

先生之子也十

一月四弟生傳宜人亦即於是日卒自丁酉

春至是年冬得詩如千首為雲門集

五十八年己亥十七歲深山公於昨年捐駝六

十隻助運軍需今奉 旨議叙得郎中加二

級將服官因家事於五月由京南下謁曾叔

祖淮安公於浦子口不遇遂之杭州六月十

九日卒七月聞訃八月扶傳宜人柩並家屬

歸里時居士抱病欲奔喪諸親知咸以病未

劍虹齋集

卷一 年譜

痊且年少不任馳驅力止之不得已命家人

迎父柩歸里權厝南靳屯舊居冬以家事就

浦請命畧有成議臘底返

五十九年庚子十八歲正月往陽和四月入都

五月偕丁先生由京南下七月有事於當事

六十年辛丑十九歲五月事息十二月聘馬氏

馬陝西綏德州人寓居金陵曾祖如龍江西

巡撫都御史祖

益

翰林院檢討父國鎮庚子

舉人是歲父執陳季方汝楫先生館於金陵

藩署為深山公立傳四弟殤

六十一年壬寅二十歲正月入都四月歸里第
四祖姑于歸九月偕張樹赤職入都主蘆溝
橋宗人張業師有光先生之仲子也篝燈吟
誦率至宵深或有勸居士援例者但笑謝而
已

雍正元年癸卯二十一歲四月應順天鄉試秋
復招張樹赤來

二年甲辰二十二歲二月鄉試四月歸里十月
偕王天孚暨泌弟往金陵十二月妻馬氏歸
三年乙巳二十三歲夏重訂中唐十二家律詩

劍虹齋集 卷一 年譜

選是書為余鴻客賓碩選本居士稍更訂焉

八月泌弟畢姻弟妻馬鏡亭國鑑先生之長

女也與荆人為嫡堂姊妹十月束裝令泌弟

送荆人及其妻歸里居士於中途分路入都

十二月歸里生一子不育

四年丙午二十四歲六月姪本樸生泌弟長子

也八月赴太原應秋試數年來僕僕風塵久

疎筆墨所得詩止百首

五年丁未二十五歲與梁既文成武王天孚任

虞庠大廉會講經史以古學相切劘秋有事

交城居月餘得詩一卷為蘆川集九月庶曾
祖母王氏卒居士幼喪母賴其撫育

六年戊申二十六歲春隨堪輿家度山踰嶺覓

先人墓地旬日之間得地二一在西靳屯一

在龍鳳邨四月入都為先人求墓誌銘於俞

公北晟時寓於岳祖寓齋架上多藏書頗觀

覽焉八月歸里營寔安十二月初八日葬曾

祖於西靳屯新塋墓父母於龍鳳村新塋泌

弟得狂疾

七年己酉二十七歲三月與泌弟析居居士得

劍虹齋集 卷一 年譜

南靳屯宅泌弟得城中宅五月買妾王氏八

月赴省應秋試冬為澍弟作傳

八年庚戌二十八歲春移居南靳屯立義學居

士日事吟哦不與聞門外事唯與二三知己

為文酒之會閒臨古人法書以自娛悅好事

者見之輒持去藏弃然居士殊不以此自多

也

九年辛亥二十九歲捐橐中金若干兩新飾尊

經閣閣為曾祖中書公所建故有是舉夏與

王天孚遊綿山得詩一卷十二月王氏卒

十年壬子三十歲二月同王天孚由五臺至大同朔州訪覓姬侍無所遇天孚入都居士於四月歸里五月買妾王氏十月泌弟卒十一月外舅由麟遊過介休携荆人歸寧宣化時岳祖為宣化太守選唐五七言絕句授閨人讀之名曰香閨初讀集

十一年癸卯三十一歲三月與汜湖王刺史水若清同里羅景陸贊張樹赤張欣運新政王應台傳諸同人脩禊賦七言古詩一章秋歸宗李氏姪煌以其姑物故欲與中書公合葬

劍虹齋集卷一年譜

西

具詞撫憲批縣查覆縣令李公壽彭仍照前斷得斬葛藤十月由京之宣化謁岳祖並接取荆人歸里在京盤桓月餘買妾李氏

十二年甲寅三十二歲三月本植生

十三年乙卯三十三歲二月由孟縣入都八月應順天鄉試歸途接家信知側室李氏於九月中卒以乳故歸作悼亡詩十二首

乾隆元年丙辰三十四歲天子詔求孝廉有司將以居士應居士雅不欲就辭之有司因益愛重居士四月入都八月應試義兒生在

京師買一女子尋贈人十月有天津之遊十一月歸里次丁酉以後至乙卯詩為言志山房詩稿十卷雜文為南原文鈔

二年丁巳三十五歲修祠堂撰平生師友詩為詩存集若干卷秋谷詩話一卷

三年戊午三十六歲三月入都八月應試九月聞二子於十日之內俱以痘瘍倉皇歸里日對妻孥浩歎而已

劍虹齋集卷一年譜

左

四年己未三十七歲二月南遊渡江至蘓州五月買妾陳氏尋遊杭州過深山公捐館處不禁痛心西湖天竺靈隱諸勝草草一遊還至揚州泛舟虹橋遊平山堂吊漁洋之高踪六月至金陵寓秦淮水閣以深山公非水舟遺集求翰林楊文叔純武作序時楊為鍾山書院山長十月歸里本榮生與王冰若臨縣王鳴池錦羅景陸張樹赤董也愚崇王天孚張欣運父子聯詩社取司空表聖味在酸鹹之外意名味外小集居士作序

五年庚申三十八歲正月嫁王氏表姑二月側室王氏卒亦作悼亡詩十二首十月女桑生

平生所作詩寓書屬楊文叔先生點定評語
謂氣體高妙大有襄陽輞川之風次平生所
作詞為漱芳詩餘二卷親故問答書一卷為
秋谷尺牘

右先君自撰年譜一卷先君卒年四十而
譜缺二年蓋自歲辛酉三月而先君已病
矣初患口瘡已乃大發艱於飲食而形容
遂非復曩日秋冬小愈壬戌正月而患又
發漸成瘵症至四月初七日而遂不可為
諱矣嗚呼痛哉先君性喜交遊雖病不廢

劍虹齋集

卷一 年譜

真

招集友朋亦時赴同人之招辛酉冬病間
尚為董帷園先生母王宜人書壽屏筆力
不減平時明春丁睢來先生官西臧兵馬
司書來勸入修書館為將來進取之階而
病已深第力疾答謝而已念先君見背時
不肖僅三歲耳嬰疾始末亦何能知茲特
述所聞於從父兄本樸者不肖男本榮謹
識

劍虹齋集卷二

言志山房詩稿

元宵 時在陽和

綿上梁濬文川

邊地元宵節風光似故鄉
踏歌隨夜月燈火亦輝煌

春日西郊看花

風和雲淡日生輝縱飲春林香惹衣
最是西園多淑景好花醉壓帽簷歸

草堂

劍虹齋集

卷二 言志山房詩

十一

草堂擁萬卷幽事足酣嬉楊柳烟銷後
梧桐月上時體佳閑讀易興到偶裁詩
自有悠然趣豪人總未知

過彈琴峽

何處發清響乃在山之下流水與高山
古調真大雅千載往來人誰是知音者

秋日登陽和臺

野草荒荒白邊雲淄淄黃長城勞遠目
誰復憶秦皇

送丁夫子出塞運糧一首

馬首銷魂最黯然，舉比勇撤事戎旃。沙場萬里行人遠，得坐春風只一年。

咏瓶中刺梅

白玉瓶中見一枝，淡黃顏色映金卮。休嫌仙骨多芒刺，不似孤山冷落時。

寄哭鄧五至夫子

秋風夜雨獨傷情，落日空山鷓鴣鳴。薊北纔聞驚解珮，江南早已送銘旌。冷齋提命今難再，水部文章孰繼聲。幾度遙天徒悵望，何由絮酒哭新塋。

劍虹齋集

卷二

言志山房詩

喜得丁夫子消息

寂寞書齋裏，杜用老句俄聞夫子還。無邊行白草，有日占紅蓮。醉向沙間卧，詩從馬上聯。遙知猶載筆，銘可續燕然。

雪

冷落柴門閉，圍爐只飲茶。隔窻窺小院，白雪似飛花。

題人影

去來相伴是何人，月下燈前抱膝身。他日冲霄元有志，知伊端不逐紅塵。

金陵冬至日作

客裏逢長至，飄零嘆此身。一陽從地起，萬恨藉誰伸。為黍邀同志，裁書答故人。歸期定何日，漸漸及新春。

天竹

桃李春華不屑同，偏於雪後倍增紅。一枝斜立牆陰外，疑是櫻桃出漢宮。

蠟梅

金裳玉質傳春信，半點塵埃不肯留。雪後園林成獨往，黃昏剛有暗香浮。

劍虹齋集

卷二

言志山房詩

舟過金山未登

遙望金山動客心，歸與念切倦登臨。孤峯鬱鬱凌霄漢，急浪滔滔歷古今。高閣未能瞻妙相，扁舟早已發長吟。何年行李重經此，一棹烟波細討尋。

古寺

古寺幽尋好，空林野鳥鳴。蕭然人境外，清絕道心生。

易水懷古

落日常山道，蕭蕭易水寒。荆卿去不返，空憶白

衣冠

小齋

小齋頗不俗習靜最相宜刪竹通幽徑觀魚過
小池有時臨晉帖無事讀唐詩更喜常留客花
間白玉卮

聽美人彈琴

棊几焚香寄意深美人清夜理瑤琴高山流水
空千載曲罷誰人識古音

題蘇黃米蔡四家帖後

蘇黃米蔡四家同筆法都師顏魯公要識二王

劍虹齋集

卷二

言志山房詩

四

真面目辦香千古屬南宮

下第作

離家一載黃金盡努力三冬鐵硯穿鬱鬱心期
仍故我讓人先着祖生鞭

黑貂裘敝自堪羞豈有明珠悔暗投莫怪當途
輕棄置還因命塞遜時流

送常卓如先生之任湖北

和風拂拂柳條輕三楚鳴琴出帝京齊魯山光
雲靄瀟湘帆影月晶晶飛鳧自昔推賢宰馴
雉於今著令名種得河陽花滿縣照來冰鏡一

時春

獨坐有懷

客中寂寞竟如何尊酒消愁一曲歌莫怪高樓
頻悵望知音原是故鄉多

春日獨酌偶集唐句

孤客逢春暮悠悠旅思多長安如夢裏對酒復
悲歌

聖駕臨雍恭紀

甲辰三月朔日

聖駕臨雍先謁

劍虹齋集

卷二

言志山房詩

五

先師行釋奠禮次御燹倫堂大司成率國子生隨
班行禮司成進講聖經

天顏和霽諦聽旋頒

聖諭以勉多士各

賜克食復齊羣臣諸生銀幣有差欣逢曠舉躬沐
天恩敬賦一章用昭盛典

金闕度疎鐘鸞旂出

九重千官端擁護萬騎肅追從道迥天心合文明
主德恭芳規前代遠

盛典一時逢日表迴春煦恩波式海容歡騰徧萬

國豈獨在章縫

西歸留別余竹東

促膝談心祇暫同那堪匹馬向春風
他時寂寞衡門下唯有殷勤問塞鴻

夏日訪羅景陸

地僻少紅塵幽齋有古人雅懷為韻事佳句對
良辰豈是池中物終成席上珍我來忘主客諒
爾不嫌頻

偶書

晚涼新浴逸情生好句吟成白雪清最是幽人

劍虹齋集

卷二

言志山房詩

六

尋味處客來客去絕將迎

夏日漫興

酷暑難消受開簾幸自閑客嫌交俗子詩喜作
遊仙芳草傍汾水青雲翬介山幽然一長望倚
榻且高眠

舍弟方鄴學有進益書此勉之

忽觀文章照眼明喜君頭角頗崢嶸才高莫謂
無人敵南面還須擁百城

偶吟

窻前蔓草不知除嬾向齋頭靜讀書只是豪談

與痛飲此身自覺在皇初

立秋後一日書

昨日西風蟬又肥正堪煮酒話柴扉翻憐宋玉
緣何事到得秋來便欲悲

聞蟬次韻

聲響初秋日知君有別才非因隨候至多是促
詩來衰柳身將隱夕陽懷好開悠然脫殼去心
潔自恢恢

贈人納寵

時七月五日

天上佳期尚未過先催織女渡銀河羨君今夜

劍虹齋集

卷二

言志山房詩

七

三更後消受櫻桃一曲歌

懷卓如先生

瀟洒涼天坐小樓思緣良友倍綢繆漫多別恨
遙千里却喜清名遍九州道勝諒蠲烟嶺瘴政
閒應泛洞庭秋自憐寂寂偏留帶何日相隨作
勝遊

早發

早發關山道嚴寒不可當馬蹄遲險阻人面老
風霜只道宵征苦誰知驛路長回思曩日事對
景更淒涼

已亥歲有浦口之役回憶痛生

入金陵境憶金陵諸友

立馬江城曙色開
煙消西見鳳凰臺
兩年惆悵風塵隔
千里馳驅雨雪來
雲繞山巔何偃仰
雁飛天外自徘徊
明朝相見寒溫後
共向花間把酒杯

又成廿四字

愛此數竿修竹美
他幾朵梅花詞人騷客不見
咫尺天涯可嗟

至金陵喜晤李北邨

聯床夜話昔嘗同
客邸還逢此日中
千里風塵

創虹齋集

卷二 言志山房詩

八

多聚散兩年書劍各
西東花前宛爾詩歌好
酒後依然論辯雄
聖世需才殷渥甚
如君何乃滯長風

梅

暗香冷艷向瑤臺
何處橫吹玉笛來
歷日山中原未有
早春特地一枝開

二月二日德恩禪院看梅花

聞說瓊枝爛熳開
招邀初地共徘徊
暗香引取清鐺去
遙雪尋從野寺來
肯向春韶爭色相
自然風度絕塵埃
巧當聯壁相吟賞
花定心融及

妙才

池館

池館荒涼帶夕暉
春來花草已全非
可憐唯有堂前燕
猶自雙雙傍客飛

春日感懷

已見梅花落還知柳絮飛
感時空悵望觸物每相違
得意生平少投機
舉世稀遺懷唯有酒難免典春衣

秦淮雜詩五首

結綺臨春轉盼休
臺城烟柳向人秋
六朝多少

創虹齋集

卷二 言志山房詩

九

興亡恨付與秦淮水漫流
王謝風流六代誇
盡人一例尚清華
冶城語語高千古
逸少終須是當家
曲中姊妹秀堪餐
畫閣粧成日倚欄
今日風流盡消歇
居人猶說馬湘蘭
嬌小曾聞有李香
冠家色藝亦相當
板橋細數名娃徧
第一風流顧媚娘
棲鴉流水點秋光
七字傳來閨閣香
美殺阿男名不朽
憐才千古屬漁洋

訪北邨隱居